



Umhverfisstofnun

Environment and Food Agency of Iceland

Sigurður Guðmundsson
Möðruvöllum 1
270 Mosfellsbær

Suðurlandsbraut 24
IS - 108 Reykjavík, Ísland

① (+354) 591 2000
Fax (+354) 591 2010
umhverfisstofnun@ust.is
www.umhverfisstofnun.is

Reykjavík, 25. október 2005
Tilvísun: UST20051000118/óaj

Deiliskipulag sumarhúsalóða í Brekkum í landi Möðruvalla 1 í Kjós

Vísað er til bréfs Sigurðar Guðmundssonar, dags. 25. október sl., þar sem óskað er umsagnar Umhverfisstofnunar um deiliskipulag sumarhúsalóða í svonefndum Brekkum í landi Möðruvalla 1 í Kjósarhreppi. Fyrirhugað er að reisa 7 sumarhúsalóðir, hver um sig á u.p.b. 0,5 ha landi. Minnsta fjarlægð frá Laxá að svæðinu er 102 metrar. Innan byggingarreita má byggja einnar hæðar frístundahús með risi, allt að 120 m² og gestahús allt að 30 m².

Fyrirhugað deiliskipulagssvæði er á náttúruminjaskrá, Laxárvogur og Laxá í Kjós, en um svæðið segir í skránni:

*Laxárvogur og Laxá í Kjós, Kjósarhreppi, Pingvallahreppi, Kjósarsýslu, Árnessýslu. (1)
Grunnsævi, fjörur og strandlengja frá ósi Laxár út að línu milli Hálsness og Eyrar
(Hvalfjarðareyrar). Vatnasvið Laxár og nánasta umhverfi frá ósi upp að vatnaskilum.
Meðalfellsvatn, Stíflisdalsvatn og Mjóavatn. Káranesef og Hurðarbakssef. (2) Í Laxárvogi
eru viðáttumiklar leirur með fjölbreyttu dýralífi og gróðri. Laxá er ein helsta laxveiðiá
landsins. Í sefunum er fjölskrúðugt fuglalíf.*

Umhverfisstofnun bendir á að roþró og siturlagnir þurfa að vera af viðeigandi stærð og gerð sbr. reglugerð nr. 798/1999 um fráveitir og skólp. Frárennslí frá ofnakerfum, heitum pottum, baðkörum og sturtuklefum þarf ekki að leiða í roþró, þar sem slíkt vatn er lítið mengað, en getur skert virkni roþróarinnar til muna. Affallsvatn af þessum toga má hins vegar leiða í skiptibrunn eða jöfnunarþró til jafnrar dreifingar í sér dreifilögnum sem lögð er yfir jarðveg eða malarbeð. Að mati Umhverfisstofnunar mun ofangreint deiliskipulag ekki hafa veruleg áhrif á Laxá og umhverfi árinna, enda er fjarlægð frá Laxá að sumarhússasvæðinu a.m.k. 100 metrar. Þar með er einnig tryggt nægjanlegt rými fyrir útvist meðfram ánni. Gæta skal að því að allar framkvæmdir á svæðinu valdi sem minnstri röskun. Að öðru leyti gerir Umhverfisstofnun ekki athugasemdir við deiliskipulag sumarhúsalóða í landi Möðruvalla 1 í Kjós.

Virðingarfyllst

Ólafur A. Jónsson

Sérfræðingur

Helgi Jónasson
Forstöðumaður